

ՀԱՄԻԴԵԱՆ ԿՈՏՈՐԱԾՆԵՐԸ ՖՐԱՆՍԻԱԿԱՆ ՊԱՏՄԱԳՐՈՒԹԵԱՆ ԳԼԱՅԱՏՄԱՄԲ

(Ի. դարի 70-ական թուականներ – ԻԱ. դարի սկիզբ)

Վարուժան Պողոսեան

Օսմանեան կայսրութիւնում Հայոց ցեղասպանութեան նկատմամբ ֆրանսիական պատմագրութիւնն ի սկզբանէ դրսեւորել է անթաքոյց հետաքրքրութիւն: ԺԹ.-Ի. դդ. սահմաններին տեղի ունեցած համիդեան կոտորածները որեւէ երկրում այնպիսի հոժկու արձագանքների չեն արժանացել, ինչպիսին ժողովրդավարական հինաւուրց աւանդոյթներ ունեցող Ֆրանսիայում՝ «չնորհիւ մի շարք մեծահոգի ֆրանսիացիների, որոնք դարձել են նահատակուած ժողովրդի դատապաշտպանները»¹: Այդուհանդերձ, 1920-ական թուականների կէսերից, Ֆրանսիայում այս թեմայի հանդէպ հետաքրքրութիւնը մարել է: Հարցի էութիւնն այն է, որ 1923 թ. հանրապետութեան հռչակումից յետոյ Թուրքիայում պետական քաղաքականութեան մակարդակով Հայոց ցեղասպանութեան փաստը շրջանցուել է լուրսից: Այդ իսկ պատճառով արեւմտեան կապիտալիստական մեծ տէրութիւնները, այդ թւում՝ Ֆրանսիան, ելնելով իրենց ռազմավարական շահերից, շահագրգռուածութիւն են ցուցաբերել Թուրքիային՝ Խորհրդային Միութեանը հակադրելու հարցում եւ, հետեւաբար, Թուրքական կառավարող շրջաններին հաճոյանալու նպատակով մոռացութեան են մատնել Հայոց ցեղասպանութիւնը², որի նկատմամբ հետաքրքրութիւնը Ֆրանսիայում վերստին աճել է միայն 1960-ական թուականների կէսերից՝ կապուած Մեծ եղեռնի 50-ամեայ տարելիցի հետ:

Հայոց ցեղասպանութեան առաջին փուլը (1894-1908) ցեղասպանութեան պատմագրութեան մէջ առաւել յայտնի է իբրեւ համիդեան կոտորածներ: Ի. դարում տարբեր երկրներում պատմաբանները, անկախ ազգային պատկանելութիւնից, ուսումնասիրել են գլխաւորապէս 1915 թ. Մեծ եղեռնի պատմութիւնը: Հայոց ցեղասպանութեան տարբեր փուլերի՝ համիդեան, 1909 թ. կիլիկեան, 1919-1922 թթ. քեմալական կոտորածների պատմութիւնն արժանացել է հետազոտողների անհամեմատ նուազ ուշադրութեանը: Այս առումով ֆրանսիական պատմագրութիւնը եւս բացառութիւն չի կազմել: Ամբողջութեամբ համամիտ ենք Ռ. Հ. Գեւորգեանի հետ, որը 1894-1896 թթ. կոտորածների առնչութեամբ նշել է. «Առ այսօր այս ոճիրների մասին ոչ մի ամբողջական ուսումնասիրութիւն չի իրականացուել»³: Այդուհանդերձ, 1970-ական թթ. առ այսօր Ֆրանսիայում լոյս են տեսել թէ՛ հայ ժողովրդի եւ թէ՛ Հայոց ցեղասպանութեան պատմութեանը, ինչպէս նաեւ ցեղասպանութեանը՝ իբրեւ երեւոյթի, նուրի-

1 F. Macler. *La nation arménienne. Son passé, ses malheurs*, Paris, 1924, p. 45. տե՛ս նաեւ Հ. Տաւապետեան, *Եւրոպական պրոպագանդ (1899-1906)*, «Ազգայակ», 1983, թիւ 48, էջ 972:

2 N. Margossian. *L'avant et l'après du génocide des Arméniens*.- Գիտութեան գլոբուս, 2005, հտ. 5, էջ 44-45:
3 R. H. Kévorkian, *Le génocide des Arméniens*, Paris, 2006, p. 19.

րուած մեծաքանակ տարարնոյթ ուսումնասիրութիւններ, որոնց հեղինակներից ոմանք մանրամասնօրէն ուրուագծել են համիդեան կոտորածների ընդհանուր պատկերը, իսկ այլք այս կամ այն չափով անդրադարձել են իրադարձութեան պատմութեանը: Չնայած մտեցումների անհամաչափութեանը, նրանք, ընդհանուր առմամբ, համիդեան կոտորածներին առնչուող հիմնախնդիրներին տուել են համահունչ մեկնաբանութիւններ:

Ստորեւ կ'անդրադառնանք Հայոց ցեղասպանութեան պատմութիւնն անաչառ դիրքերից մեկնաբանող ֆրանսիացի պատմաբանների ուսումնասիրութիւնների քննական վերլուծութեանը⁴ պրորբեմային սկզբունքով՝ ուշադրութիւնը սեւեռելով կոտորածների պատմութեանն առնչուող առաւել կարեւոր հիմնահարցերին տուած նրանց մեկնաբանութիւնների վրայ⁵:

4 Բննարկուող ժամանակաշրջանում Հայոց ցեղասպանութեան պատմագրութեան ժխտողական ուղղութեան ֆրանսիացի ներկայացուցիչների տեսակէտներին անդրադարձել ենք մեր նախորդ յօդուածներից մէկում. տե՛ս Վ. Պողոսեան, Համիդեան կոտորածների պատմութեան մեծագիտումը ֆրանսիական պատմագրութեան կողմից (Ի. դ. երկրորդ կէս - ԻԱ. դ. սկիզբ), «Հանդէս ամսօրեայ», 2009, թիւ 1-12, էջ 293-316:

5 Սոյն յօդուածում չենք անդրադառնալ քննարկուող ժամանակահատուածում ֆրանսիացի պատմաբանների լոյս ընծայած աղբիւրագիտական բնոյթի հրատարակութիւններին (G. Meyer, *Les massacres de Diarbékir. Correspondance diplomatique du Vice-Consul de France, 1894-1896*. Présentée et annotée par Claire Mouradian et Michel Durand-Meyrier, Paris, 2000; V. Bérard, *La politique du sultan*, Paris, 2005; J. Jaurés. *Il faut sauver les Arméniens*, Établissement de l'édition, notes et postface par Vincent Duclert, Paris, 2006; 1895, *Massacres d'Arméniens*. *Alphonse Cilliére, consul de France à Trébizonde*. Texte présenté par Gérard Dédeyan, Claire Mouradian et Yves Ternon, Toulouse, 2010). առաւել եւս, որ Գ. Մէլլիէի գրագրութիւնները եւ Ա. Սիլիէի յուշերը տողերիս հեղինակը գրախօսել է հայրենական գիտական պարբերականներում (տե՛ս համապատասխանաբար՝ Հայոց ցեղասպանութեան պատմութեան եւ պատմագրութեան հար-

Հայոց ցեղասպանութեան ժամանակագրական եզրերը: Հայոց ցեղասպանութեան պատմագրութեան մէջ բուռն տարակարծութիւնների տեղիք է տուել ցեղասպանութեան ժամանակագրական եզրերի յստակեցման վիճարկոյց խնդիրը: Ֆրանսիական պատմագրութեան տարբեր ներկայացուցիչներ եւս առաջադրել են իրարամերձ կարծիքներ: Ըստ գերիշխող տեսակէտի՝ Հայոց ցեղասպանութիւնը Թուրքիզմի գաղափարախօսութեան հիման վրայ 1915-1916 թթ. իրականացրել են երիտթուրքերը, որին նախորդել եւ յաջորդել են համապատասխանաբար համիդեան եւ քեմալական կոտորածները:

1970-ական թուականների կէսերին առաջինն այս հարցին անդրադարձել են Ժ.-Մ. Կարգուս եւ Ի. Տերնոնը, որոնց հայեցակարգային մտեցումներն այս ժամանակաշրջանում էականօրէն զանազանուած էին: Ժ.-Մ. Կարգուս 1895 թ. կոտորածները բնորոշել է իբրեւ Հայոց ցեղասպանութեան ընդհանուր նախերգանք. դրանք ընդգրկուել են Յունաստանում, այնուհետեւ Բուլղարիայում արձանագրուած իրադարձութիւններին բնորոշ յորձանուտում⁶: Հարկ է մանրամասնել, որ թէեւ 1890-ականներին արեւմտահայութեան հանդէպ օսմանեան կառավարութեան իրականացրած լայնածաւալ կոտորածների քաղաքականութիւնը սկզբունքօրէն չէր զանազանուած 1870-ական թուականներին Բուլղարիայում Բարձր Դուռն կիրառած քաղաքականութիւնից, այդուհանդերձ, դրանց միջեւ առկայ որոշ տարբերութիւնների քննարկումը հեղինակը շրջանցել է:

Արեւմտահայութեան եւ բուլղարացիների կոտորածներն, անշուշտ, ունեցել են

ցեր. թիւ 9, Երեւան, 2004, էջ 152-159, թիւ Ժ, Լըմիսժիւ, 2010, էջ 141-146):
6 J.-M. Carzou. *Un génocide exemplaire. Arménie 1915*, Paris, 1975, p. 61. տե՛ս նաեւ երկրորդ հրատարակութիւնը՝ J.-M. Carzou, *Un génocide exemplaire. Arménie 1915*, Paris, 2006, p. 61.

մեծաթիւ հատման կէտեր, ինչպիսիք են դրանց իրականացումը պետական քաղաքականութեան մակարդակով եւ կանխամտածուածութեան հիման վրայ, պատճառները եւ հետեւաբար՝ վերջնական նպատակը: Ռ. Սաֆրաստեանն իրաւամբ հաւատում է, որ բուլղարացիների դէմ ուղղուած քաղաքականութիւնը «կարելի է դիտարկել որպէս հայրենագրկման նպատակով իրականացուելիք ցեղասպանութիւն», քանի որ այն հետապնդել է էթնիկական խմբի բնաջնջման նպատակ՝ նրան իսկ պատկանող հայրենիքի տարածքում⁷: Այս կտրուածքով մենք ընդունում ենք Ժ.-Մ. Կարգուի տեսակէտը, թէեւ նա ձեռնպահ է մնացել իր եզրակացութեանը նման հիմնաւորումներ տալուց:

Ինչպէս ապացուցել է Ռ. Սաֆրաստեանը, բուլղարացիների բնաջնջումն օսմանեան վարչակարգն իրականացնում էր ոչ միայն կանխամտածուածութեան հիման վրայ, այլեւ ի պատասխան բուլղարացիների՝ 1876 թ. ապրիլեան ապստամբութեան ըստ 1876 թ. մշակուած ցեղասպանութեան ծրագրի: Վերջինս թէեւ ամբողջութեամբ ի կատար չի ածուել, այդուհանդերձ, նպատակաւորուած է եղել բուլղար ժողովրդի ոչնչացմանը: Ռուսական արխիւներում յայտնաբերուած փաստաթղթերի, մասնաւորապէս՝ Բուլղարիայում հաւատարմագրուած ռուս դիւանագէտների ղեկուցադրերի մանրակրկիտ ուսումնասիրութեան հիման վրայ, նրան յաջողուել է յայտնաբերել 1876 թ. մայիսին օսմանեան կառավարութեան ընդունած՝ բուլղարացիներին ցեղասպանութեան ենթարկելու ծրագրին վերաբերող հաւաստի վկայութիւններ եւ բացայայտել դրա առանձնատկութիւնները: Դրանք նրան հիմք են տուել եզրակացնելու, որ ծրագրում նախանշուած

«գործողութիւնների ընդհանրութիւնը բացայայտում է պետութեան դիտաւորութիւնը բնաջնջել որոշակի էթնիկական խումբ եւ կարող է բնութագրուել որպէս ցեղասպանութիւն»⁸: Մանրամասնեմք, որ պատմաբաններին դեռեւս յայտնի չեն 1890-ական թուականներին արեւմտահայութեան ոչնչացմանն առնչուող՝ օսմանեան կառավարութեան մշակած համանման ծրագրային փաստաթղթեր:

Ի տարբերութիւն Ժ.-Մ. Կարգուի, Ի. Տերնոնն այս հարցի մեկնաբանութեան առնչութեամբ պարբերաբար առաջադրել է իրարամերժ տեսակէտներ, որոնք հայեցակարգային առումով կրել են սկզբունքային փոփոխութիւններ: Դեռեւս 1974 թ.՝ Հայոց ցեղասպանութեան պատմութեան ուսումնասիրման արշալոյսին, թէպէտ նա ընդունում էր, որ Աբդուլ Համիդի մտադրութիւնը յանգում էր «մինչեւ վերջին հայի ոչնչացմանը», այդուհանդերձ, հակուած չէր սուլթանի սանձագերծած՝ Հայ ժողովրդի լայնածաւալ բնաջնջումն իբրեւ ցեղասպանութիւն բնորոշելու, որն, ըստ նրա՝ իրականացրել էր երիտթուրքական վարչակարգը 1915 թ.: Հայերի ոչնչացումը նա համարում էր ցեղասպանութեան ոճիր, քանի որ «այն իրականացուել է ազգային, էթնիկական եւ կրօնական խմբի համատարած բնաջնջման դիտաւորութեամբ»⁹:

Սակայն, արդէն 1977 թ. լոյս ընծայած՝ Հայոց ցեղասպանութեան պատմութեանը նուիրուած իր առաջին գրքում Ի. Տերնոնը, որը ցեղասպանութեանը՝ իբրեւ երեւոյթի առնչուող հիմնախնդիրներով դեռեւս չէր զբաղւում, մանրամասնօրէն նկարագրելով 1890-ական թուականների կոտորածները, տալիս է, մեր կարծիքով, աւելի իրատեսական մէկ այլ մեկնաբանու-

թիւն՝ դրանք բնութագրելով իբրեւ «ցեղասպանութիւն»¹⁰: Այս հետեւութեանը նա յանգում է՝ ելնելով մի շարք հիմնաւոր փաստարկներից, ինչպիսիք են 1895 թ. կոտորածների կազմակերպումը եւ նախապատրաստումն օսմանեան պետութեան ղեկավարների կողմից, կոտորածների ալիքն ընդգրկած տարածքը, որտեղ բնակուող Հայերի համար տէրութիւնները պահանջել էին բարենորոգումների իրականացում, գոհերի ընտրութիւնն ըստ էթնիկական ծագման, կոտորածների իրականացումը կանխամտածուածութեան հիման վրայ, իշխանութիւնների անտարբերութիւնը կամ յանցակցութիւնը¹¹:

Թէեւ այս փաստարկների գերակշռող մասն ինքնին բաւական է, ինչպէս մեզ թւում է, արեւմտահայութեան լայնածաւալ կոտորածները ցեղասպանութիւն բնորոշելու համար, այդուհանդերձ, Ի. Տերնոնի հայեցքները յետագայ տարիներին սկնյայտօրէն փոփոխուել են, ինչն արտացոլուել է նրա բազմաթիւ մեկնաբանութիւններում: Նշուած գրքի երկրորդ հրատարակութիւնում, համեմատելով 1895 թ. կոտորածները 1915 թ. Մեծ եղեռնի հետ, նա գերադասում է ձեռնպահ մնալ նախկինում առաջադրած իր տեսակէտից¹²: Յետագայ աշխատութիւններում եւս Ի. Տերնոնն այլեւս հակում չի դրսեւորում համիդեան կոտորածները համարելու Հայոց ցեղասպանութեան բաղկացուցիչ մաս եւ մատնանշում է ցեղասպանութեան իրականացման միայն երկու փուլ՝ 1915 թ. մայիս-յուլիս եւ 1915 թ. օգոստոս-1916 թ.

դեկտեմբեր¹³: Նշենք, որ այս հարցում եւս նրա դիրքորոշումն աչքի չի ընկնում հետեւողականութեամբ, քանզի Ժ. Շալեանի հեղինակակցութեամբ հրատարակած գրքում նա Հայոց ցեղասպանութիւնը եզբրում է 1915-1921 թթ. շրջանակներում¹⁴:

Համիդեան կոտորածների գնահատման առնչութեամբ Ի. Տերնոնի այս եւ յետագայ մեկնաբանութիւնները, տողերիս հեղինակի կարծիքով, առարկութիւնների տեղիք են տալիս: Փաստեմք էական մի հանգամանք. 1990-ական թուականներից նա մեծ հետքերը թիւն է դրսեւորել ցեղասպանութիւնն իբրեւ երեւոյթ ուսումնասիրող՝ պատմական գիտութեան տեսական նոր ճիւղի նկատմամբ եւ գրել է համեմատական ցեղասպանագիտութեանը նուիրուած մի շարք արժէքաւոր ուսումնասիրութիւններ, որոնք այս խրթին ասպարէզում նրա համար ապահովել են հեղինակաւոր մասնագէտի անառարկելի համբաւ¹⁵:

Ի. Տերնոնը նշուած գրքերում մեկնաբանում է ոչ միայն տարբեր ցեղասպանութիւնների զանազանութիւնները, այլեւ մանրամասնօրէն առաջադրում «կոտորած», «ցեղասպանութիւն» եզրոյթների եւ շատ այլ տեսական հարցադրումների մեկնաբանութիւններ, որոնց լոյսի ներքոյ քննարկում է տարբեր պահուածային բնաջնջումների, այդ թւում՝ Հայոց ցեղասպանութեան ընթացքն ու առանձնատկութիւնները: Յիրաւի, կոտորածը եւ ցեղասպանու-

7 Ռ. Սաֆրաստեան, *Օսմանեան կայսրութիւն. Ծեղասպանութեան ծրագրի ծագումնաբանութիւնը (1876-1920 թթ.)*, Երևան, 2009, էջ 162:

8 Նոյն տեղում, էջ 161-162:
9 Y. Ternon. *Éclats de voix. Recueil de textes 1794-2005. Préface de Mair Waintrater*, Paris, 2006, p. 22.

10 Y. Ternon, *Les Arméniens. Histoire d'un génocide*, Paris, 1977, p. 112.
11 Նոյն տեղում, էջ 112-115:
12 Y. Ternon, *Les Arméniens. Histoire d'un génocide*, Édition revue et mise à jour par l'auteur, Paris, 1996, p. 127 (այսուհետեւ կը յղենք գրքի երկրորդ հրատարակութիւնը):

13 Y. Ternon. *L'État criminel. Les génocides au XXe siècle*, Paris, 1995, p. 184-188. Այլ՛նի՝ *Guerres et génocides. Architecture de la violence en masse*, Paris, 2007, p. 151-170. Այլ՛նի՝ *Le génocide de 1915-1916 et la fin de l'Empire ottoman (1914-1923)*. - Histoire du peuple arménien. Sous la direction de G. Dédéyan, Paris, 2008, p. 534.
14 G. Chaliand et Y. Ternon. *1915, le génocide des Arméniens*, Bruxelles, 2002, p. 43.
15 Y. Ternon. *L'État criminel*. Այլ՛նի՝ *L'innocence des victimes. Au siècle des génocides*, Paris, 2001. Այլ՛նի՝ *Guerres et génocides au XXe siècle. Architecture de la violence en masse*.

թիւնը՝ իբրև երեւոյթներ, միմեանցից էականորէն զանազանուում են: Յեղասպանագիտութեան ինքնին կնճռոտ եւ վիճայարոյց քառուղիներում Ի. Տերնոնը սատարում է այն մասնագէտներին¹⁶, որոնք կո-

16 H. Fein, *Accounting for Genocide. National Responses and Jewish Victimization during the Holocaust*, New York, London, 1979, p. 7; B. Harff, *The Etiology of Genocide*, - Genocide and the Modern Age. Etiology and Case Studies of Mass Death. Edited by I. Wallimann and M. N. Dobkowski, New York, Greenwood Press, 1987, p. 48. Այս առնչութեամբ նա իրաւամբ նշում է. «Յեղասպանութեան պատասխանատուն միշտ պետութիւնն է... Յեղասպանութիւնը պետական յանցանք է, ինքնուրոյն պետութեան կամքի կենսագործումը, որը եւ այն զանազանում է՝ իրենց պետութեան կողմից չլիազօրուած հրոսակախմբերի կամ զօրքերի իրականացրած կոտորածից»¹⁸:
Բացի դրանից, *ցեղասպանութեան՝ իբրև երեւոյթի, ժամանակակից մասնագէտներից ոմանք ցեղասպանութեան հիմնական բաղադրիչներից են համարում դիտաւորութեան հանգամանքը¹⁹: Ի. Տերնոնը եւս այս հարցում յայտնում է համահունչ կարծիք եւ, բանավիճելով այլոց, այդ թւում՝ Ի. Չառնիի հետ, նշում է. «Յեղասպանութիւնն այլ հաւաքական ոճիրներից տարբերում է մարդկանց խմբի ոչնչացմամբ կանխամտածուածութեան հիման վրայ եւ նրանց բնաջնջմամբ իբրև այդպիսիք»²⁰:
Այս առնչութեամբ հետաքրքիր է նրա մէկ այլ, խիստ կարևոր դիտարկում եւս. «Առանց նախանշուած խմբի բնաջնջման ծրագրման հնարաւոր չի խօսել ցեղասպա-*

տորածի եւ ցեղասպանութեան զանազան ման հիմնական չափորոշիչների թւում առանձնացնում են այս կամ այն իրադարձութեան իրականացումը պետական քաղաքականութեան մակարդակով¹⁷: Այս առնչութեամբ նա իրաւամբ նշում է. «Յեղասպանութեան պատասխանատուն միշտ պետութիւնն է... Յեղասպանութիւնը պետական յանցանք է, ինքնուրոյն պետութեան կամքի կենսագործումը, որը եւ այն զանազանում է՝ իրենց պետութեան կողմից չլիազօրուած հրոսակախմբերի կամ զօրքերի իրականացրած կոտորածից»¹⁸:

Բացի դրանից, ցեղասպանութեան՝ իբրև երեւոյթի, ժամանակակից մասնագէտներից ոմանք ցեղասպանութեան հիմնական բաղադրիչներից են համարում դիտաւորութեան հանգամանքը¹⁹: Ի. Տերնոնը եւս այս հարցում յայտնում է համահունչ կարծիք եւ, բանավիճելով այլոց, այդ թւում՝ Ի. Չառնիի հետ, նշում է. «Յեղասպանութիւնն այլ հաւաքական ոճիրներից տարբերում է մարդկանց խմբի ոչնչացմամբ կանխամտածուածութեան հիման վրայ եւ նրանց բնաջնջմամբ իբրև այդպիսիք»²⁰:

Այս առնչութեամբ հետաքրքիր է նրա մէկ այլ, խիստ կարևոր դիտարկում եւս. «Առանց նախանշուած խմբի բնաջնջման ծրագրման հնարաւոր չի խօսել ցեղասպա-

17 Y. Ternon, *L'État criminel*, p. 65-78.
18 Նոյն տեղում, էջ 65:
19 Տե՛ս օրինակ F. Chalk & K. Jonassohn, *Աշխ.*, էջ 26; V. Dadrian, *The Determinants of the Armenian Genocide*, [Yale], 1998, p. 7; J. Balint, I. W. Charny, *Définitions du génocide*, - Le livre noir de l'humanité. Encyclopédie mondiale des génocides, p. 43-44: Այս հարցի մասին մանրամասն տե՛ս Ռ. Սաֆրաստեան, *Ցեղասպանութեան ծագումնաբանութեան հարցի շուրջ*. դիտաւորութեան հանգամանքի կիրառումը. - Հայոց Մեծ եղեռն-90, յօդուածների ժողովածոյ, պատասխանատու խմբագիր՝ Արամ Սիմոնեան, Երեւան, 2005, էջ 367-371:
20 Y. Ternon, *L'État criminel*, p. 91-92.

նութեան մասին: Սակայն զանգուածային սպանութիւնը՝ իբրև ցեղասպանութիւն բնորոշելու համար անհրաժեշտ չէ, որ այդ ծրագրումը մշակուած լինի ամբողջութեամբ»²¹:

Ինչպէս տեսնում ենք, Հայոց ցեղասպանութեան ժամանակագրական եզրերի սահմանման խնդրում, վերանայելով իր նախկին տեսակէտը, Ի. Տերնոնն առաջադրում է իր հայեցակարգային հարցադրումներին ըստ էութեան անյարիր մեկնաբանութիւններ: Իր յետագայ գրքերում 1894-1896 թթ. տեղի ունեցած արեւմտահայութեան ոչնչացումը բնութագրելով իբրև «համիդեան կոտորածներ» կամ «հաւաքական կոտորած»²² նա, այդուհանդերձ, հաշուի առնելով դրանց կանոնաւորութիւնը եւ զոհերի ընտրութիւնն ըստ ազգային պատկանելութեան, միաժամանակ փաստում է դրանց «ցեղասպանային բնոյթը»²³: Նրա առաջադրած այս բնորոշումը, մեր կարծիքով, համոզիչ չէ, առաւել եւս՝ եթէ հաշուի առնենք վերը նշուած նրա իսկ՝ ցեղասպանութեանը՝ իբրև երեւոյթի առնչուող մեկնաբանութիւններից մէկը, որն առնչուում է զանգուածային բնաջնջումն իբրև ցեղասպանութիւն բնորոշելու անհրաժեշտութեանը, եթէ նոյնիսկ դրա ծրագիրը դեռեւս ամբողջութեամբ չի մշակուել: Ուստի օրինաչափ է, որ որոնումների մէջ գտնուող տեսարան պատմաբանը վերջին տարիներին, ըստ էութեան, հրաժարուել է «ցեղասպանային կոտորածներ» եզրոյթից՝ այն անուանելով «խուսափողական» (*déro-bade*) եւ իր տարակուսանքը յայտնելով

21 Y. Ternon, *Guerres et génocides au XXe siècle. Architecture de la violence en masse*, p. 285.
22 G. Chaliand et Y. Ternon, *Աշխ.*, Y. Ternon, *L'innocence des victimes. Au siècle des génocides*, p. 42. նոյնի՝ *Mardin 1915. Anatomie pathologique d'une destruction*, Paris, 2002, p. 61-68.
23 Y. Ternon, *L'État criminel*, p. 182.

դրա օգտագործելու նպատակայարմարութեան շուրջ²⁴:

Այդուհանդերձ, գիտական տարակարծութիւնների նկատմամբ յարգանքով լի՝ Ի. Տերնոնն անվարան շեշտում է, որ Հայոց ցեղասպանութեան ժամանակագրական եզրերի սահմանման խնդրում «բանավէճը շարունակուում է»²⁵: Դրանով իսկ նա ակնարկում է, որ չի յաւակնում վերջնական խօսքի, իսկ 1890-ական թուականների կոտորածների մասին յայտնում է փոքր-ինչ այլ կարծիք, ըստ որի՝ դրանք «զարկ են տալիս բազում տասնամեակներ յարատեւող մի գործընթացի, որը դիւրին կը դարձնի ցեղասպանութեան իրականացումը»²⁶:

Ցեղասպանութեան՝ իբրև երեւոյթի շուրջ առաջադրած իր իսկ հայեցակարգային որոշ դրոյթներին (որոնց հպանցիկ անդրադարձանք վերը) անյարիր՝ Հայոց ցեղասպանութեան ժամանակագրական եզրերի յատկեցման խնդրում Ի. Տերնոնի դիրքորոշման փոփոխութիւնը, կարելի է, ամենայն հաւանականութեամբ, բացատրել ժամանակակից ֆրանսիացի պատմաբանների՝ այս հարցում որդեգրած հայեցակարգային մօտեցմամբ²⁷, ըստ որի՝ Հայոց

24 Y. Ternon, *Guerres et génocides au XXe siècle. Architecture de la violence en masse*, p. 12.
25 Y. Ternon, *Les Arméniens. Histoire d'un génocide*, p. 127.
26 Y. Ternon, *Guerres et génocides au XXe siècle. Architecture de la violence en masse*, p. 111.
27 Տե՛ս օրինակ R. H. Kévorkian, *Le génocide des Arméniens*, Paris, 2006: Վերջին տարիներին բուն բանավէճեր յարուցած այս տեսակետին հակադրուել են ցեղասպանութեան՝ իբրև երեւոյթի բազմաթիւ անուանի մասնագէտներ. ինչպիսիք են Ի. Լ. Հորովիցը, Է. Բաուերը, Ե. Բարսեղովը եւ այլք, որոնց կարծիքով՝ Հայոց ցեղասպանութիւնը հարկ է դիտել իբրև ժող. դարի վերջին եւ Ի. դարի սկզբին տեղի ունեցած միասնական գործընթաց: Տե՛ս օրինակ M. Prince, *Un génocide impuni. L'arménocide*, Beyrouth, 1975, p. 97-114, 147-242, 345-376. Ю. Г. Барсегов, *Геноцид армян – преступление по международному праву*, М., 2000, с. 17-22. I. L. Horowitz, *Աշխ.*, էջ 157-158: Է. Բաուերն իր

ցեղասպանութիւնը տեղի է ունեցել 1915 թ.: Նրանց հիմնական կոռուանը յանգում է, ընդհանուր առմամբ, ինչպէս վերը նշեցինք, 1908 թ. երիտթուրքական յեղափոխութեան արդիւնքում՝ երիտթուրքերի որդեգրած թուրքիզմի գաղափարախօսութեան հիման վրայ հայ ժողովրդի համատարած ոչնչացման փաստմանը²⁸: Արդիւնքում՝ Ռ. Հ. Գեւորգեանը, օրինակ, հակուած չէ նոյնիսկ ընդունելու 1894-1896 թթ. հայկական կոտորածների «ցեղասպանային բնոյթը»²⁹:

Ակնյայտ է, որ Հայոց ցեղասպանութեան գործընթացն է. Տերնոնը մեկնաբանում է նրանց մօտեցմանը համահունչ դիրքերից: Սակայն այս հարցի մեկնաբանութեան ասպարէզում նա անտեսում է 1977 թ. իր իսկ վկայակոչած կոռուանները, որոնք ամբողջութեամբ հիմնաւորում են (առաւել եւս՝ վերը նշուած իր իսկ տեսական դրոյթների լոյսի ներքոյ) համիդեան կոտորածներն իբրեւ ցեղասպանութիւն բնորոշելու անհրաժեշտութիւնը, իսկ փոխարէնը՝ ջանում ցեղասպանութեան՝ իբրեւ երեւոյթի մասնագէտների հայեցակարգային դրոյթների հիման վրայ հիմնաւորել հարցի իր նոր մեկնաբանութիւնը, որոնք յաճախ նրա դիրքորոշման փոփոխութեան օգտին չեն վկայում: Բացի դրանից, նշենք էական մէկ հանգամանք եւս.

կարծիքն այս հարցի շուրջ յայտնեց 2005 թ. ապրիլի 20-21-ին Սրբեանում գումարում «Օսմանական յանցանք, ծայրագոյն մարտահրաւեր. ցեղասպանութիւնն ու մարդու իրաւունքները» միջազգային համաժողովին Աերկայացրած՝ «Անցեալ ցեղասպանութիւնների դասերը որպէս ապագայ ցեղասպանութիւնները կանխելու ուղեցոյց» զեկուցումում:

28 Տե՛ս օրինակ **R. H. Kévorkian**, *Աշխարհ, էջ 9*: Նշենք, որ այս տեսակետն իր մեծաթի կողմնակիցներն ունի ԱՄՆ-ում: Տե՛ս օրինակ **R. Melson**, *Revolution and Genocide*, p. XVI. **T. Akcam**, *Un acte honteux. Le génocide arménien et la question de la responsabilité turque*, [Paris], 2008, p. 59.

29 **R. H. Kévorkian**, *Աշխարհ, էջ 19*:

Ի. Տերնոնը չըջանցում է ժ.թ. գ. վերջի ֆրանսիական սկզբնաղբիւրների, մասնաւորապէս՝ Օսմանեան կայսրութիւնում հաւատարմագրուած դիւանագէտների զեկուցագրերի մանրազնին վերլուծութիւնը, որոնք անառարկելիօրէն փաստում են արեւմտահայութեան զանգուածային բնաջնջումը պետական քաղաքականութեան մակարդակով եւ կանխամտածուածութեան հիման վրայ³⁰:

Ժամանակակից ֆրանսիացի այլ պատմաբաններ եւս Հայոց ցեղասպանութեան ժամանակագրական եզրերի յստակեցման մեկնաբանութեան խնդրում չունեն յստակ դիրքորոշում. այդ մասին են վկայում նրանց հայեցքների պարբերաբար տեղի ունեցած փոփոխութիւնները, ինչն արտացոլուել է նրանց՝ յաճախ իրարամերժ տեսակէտներում: Նրանց մի մասը հայ ժողովրդի 1890-ական թուականներին տեղի ունեցած բնաջնջումը համարում է 1915 թ. Հայոց ցեղասպանութեան նախերգանք, «կոտորածներ» կամ «մեծ կոտորածներ»³¹: Հայկական հարցի պատմու-

30 Տե՛ս Վ. Պօղոսեան, *Հայոց ցեղասպանութեան ատաղիմ փուլը ֆրանսիական պատմագրութեան եւ հասարակական-քաղաքական մտքի գնահատմամբ (XIX դարի վերջ - XX դարի սկիզբ)*, Երկրորդ, բարեփոխում հրատարակութիւն, Երեւան, 2011, գլուխ 1:

31 **J.-M. Carzou**, *Աշխարհ, էջ 82-109*; **J.-P. Alem**, *L'Arménie*, 4^e éd., Paris, 1983, p. 38; **A. Ter Minassian**, *La Question arménienne*, Marseille, 1983, p. 30; **Անյնի՝ 1918-1920, La République d'Arménie**, Bruxelles, 2006, p. 12; **Անյնի՝ L'Arménie et l'éveil des nationalités (1800-1914), Histoire du peuple arménien, p. 503; **A. Krikorian**, *Dictionnaire de la Cause arménienne*, Créteil, 2002, p. 27; **A. Asso**, *Le cantique des larmes. Arménie, 1915. Paroles des rescapés du génocide*, Paris, 2005, p. 27; **P. Videlier**, *Nuit turque*, [Paris], 2005, p. 15; **V. Duclert**, *Affronter la barbarie. La perception française des grands massacres d'Arméniens dans l'Empire ottoman en 1894-1896*, Revue d'histoire de la Shoah, N 189, juillet-décembre 2008. Violences de guerre, violences coloniales, violences extrêmes avant la Shoah, p. 31; **G. Dédéyan**, *Introduction*, 1895. Massacres d'Arméniens. Alphonse**

թեան անուանի մասնագէտ Ա. Պէյլերեանը, թէեւ 1970-ական թթ. յայտնած իրատեսական կարծիքին առայն, որ հայերի ոչնչացմանն ուղղուած՝ Արդուլ Համիդի յղացած «ցեղասպանութեան ծրագիրը», որի նպատակն էր հայ ժողովրդի բնաջնջումն իր հայրենիքում, կիրառուել է 1894 թ. ի վեր³², այնուամենայնիւ յետագայում վերանայել է այս տեսակէտը եւ 1890-ական թուականներին տեղի ունեցած իրադարձութիւնները բնորոշել սոսկ իբրեւ «կոտորածներ»³³: Այս հարցում անհամատեղելի մեկնաբանութիւններ է անում նաեւ Ժ. Վ. Կիւրեղեանը: Վերջինս արեւմտահայութեան բնաջնջման գործընթացը եզերում է 1894-1922 թթ. շրջանակում եւ իրաւամբ փաստում, որ 1894 թ. Սասունում սկիզբ առած հայերի բնաջնջման «երկարատեւ գործընթացն» աւարտին է հասել 1922 թ. Զմիւռնիայում³⁴, ինչն անառարկելի է: Սակայն, չնայած իրականութեան ամբողջութեամբ համապատասխանող իրատեսական այս ետնախորքի ուրուագծմանը, նա Հայոց ցեղասպանութեան ժամանակագրական եզրերն, այդուհանդերձ, գերադասում է պարփակել 1915-1917 թթ. սահմաններում՝ մատնացոյց անելով, որ բնաջնջման գործընթացը գազաթնակէտին է հասել այս ժամանակահատուածում³⁵: Նման հետեւութիւնը, մեր

32 **C. Mutafian**, *Le Génocide des Arméniens*, Erevan, 2008, p. 4; **Անյնի՝ Quelques spécificités de l'historiographie arménienne, «Հանդէս ամսօրեայ», 2010, էջ 274; **G. Chalian**, *Postface // Z. Essayan*, *Dans les ruines*, Paris, 2011, p. 299.**

33 **A. Beylerian**, *L'impérialisme et le mouvement national arménien (1885-1890)*, Relations internationales, 1975, N 3, p. 51.

34 **A. Beylerian**, *La communauté arménienne de Trébizonde et le mouvement national (1878-1896)*, Revue d'histoire contemporaine, t. 1, Paris, 1995, p. 25.

35 **J. V. Gurégian**, *Histoire d'Arménie*, Clamecy, 2011, p. 178, 190.

36 **Նոյն տեղում**, էջ 185, 207-208:

կարծիքով, հակասում է այն միանգամայն ընդունելի մօտեցմանը, որով ներծծուած է նրա գրքի շարագրանքը:

Փոփոխուել են ժամանակակից պատմաբաններից Ա. Տէր-Մինասեանի հայեցքները: Վերջին յողուածներից մէկում նա համիդեան կոտորածները բնութագրում է արդէն իբրեւ «Հայոց ցեղասպանութեան առաջին գործողութիւն»³⁶: Ընդհանուր առմամբ, ընդունելի է նաեւ Կ. Մուրադեանի մօտեցումը, որն իր տարբեր ուսումնասիրութիւններում 1894-1896 թթ. հայկական կոտորածները համարում է ոչ միայն 1915 թ. «ցեղասպանութեան համընդհանուր նախերգանք», այլեւ, ինչն աւելի կարեւոր է, «ցեղասպանային գործընթացի սկիզբ, որը շարունակուելու էր յաջորդ երեք քաղաքական վարչակարգերի օրօք»³⁷: Նման հաւաստումից, սակայն, որքան տարօրինակ է, նա չի յանգում համիդեան կոտորածներն իբրեւ Հայոց ցեղասպանութեան առաջին փուլ բնութագրելու անհրաժեշտութեանը³⁸:

Ակնյայտ է, որ ֆրանսիացի պատմաբանները, գտնւում են որոնումների մէջ: Այդ մասին են վկայում սոյն խնդրում նրանց հայեցքների կրած բարեշրջումները եւ փոփոխութիւնները, ինչը պայմանաւորուած է թէ՛ գիտութեան զարգացման

36 **A. Ter Minassian**, *Les Arméniens dans l'Empire ottoman: de l'internationalisation de la question arménienne au traité de Lausanne*, - Arménie une passion française - le mouvement arménophile en France 1878-1923», Sous la direction de Claire Mouradian, Paris, 2007, p. 36.

37 **C. Mouradian**, *L'Arménie*, Paris, 3^{ème} éd., 1996, p. 49; **Անյնի՝ La Question d'Orient ou la sanglante agonie de «l'homme malade», - Revue d'histoire de la Shoah. Le monde juif, N 177-178, janvier-août 2003. Ailleurs, hier, autrement: connaissance et reconnaissance du génocide des Arméniens, p. 75, 81; տե՛ս նաեւ **A. Dastakian, C. Mouradian**, *100 réponses sur ... Le génocide des Arméniens*, Clamecy, 2005, p. 13.**

38 Տե՛ս օրինակ **A. Dastakian, C. Mouradian**, *Աշխարհ, էջ 9, 11*:

վերջին նուաճումներով եւ թէ՛ դրանց լույսի ներքոյ՝ նրանց մտորումներով: Մեր կարծիքով, դա միանգամայն օրինաչափ է, քանզի դա է պատմական գիտութեանը բնորոշ հիմնական օրինաչափութիւններից մէկը:

Հայկական Բարքի ծագումը: Հայոց ցեղասպանութեան ակունքներում խարսխուած Հայկական Հարցի ծագման խնդիրը ցեղասպանութեան, մասնաւորապէս՝ Հայրենական, պատմագրութեան մէջ տարակարծութիւնների տեղիք է տուել: Ըստ Հարցի պատմութեան մասնագէտների գերակշռող մասի (Մ. Ներսիսեան, Զ. Կիրակոսեան եւ այլք)՝ մեր կողմից ընդունելի տեսակէտի՝ Հայկական Հարցը ծագել է 1870-ական թուականների երկրորդ կէտին՝ կապուած 1877-1878 թթ. ռուս-թուրքական պատերազմին յաջորդած դիւանագիտական մեքենայութիւնների հետ³⁹: Այլք դրա ծագումը շողկապում են Հայկական պետականութեան կործանման հետ. «Ահա հէնց այդ ժամանակ է առաջանում Հայկական Հարցը՝ Հայրենիքի ազատագրման, անկախ պետականութեան վերականգնման Հարցը»,- գրում է Լ. Խորշոզեանը⁴⁰: Վերջինս գերադասում է 1877-1878 թթ. ռուս-թուրքական պատերազմին յաջորդած իրադարձութիւններով պայմանաւորել սոսկ Հայկական Հարցի միջազգայնացումը⁴¹:

Ժամանակակից Ֆրանսիացի պատմաբանների կարծիքն այս Հարցում գրեթէ

միանշանակ է, քանզի նրանք Հայկական Հարցի ծագումն իրաւամբ առնչում են բացառապէս 1877-1878 թթ. ռուս-թուրքական պատերազմին յաջորդած դիւանագիտական քննարկումներին: Ըստ Ի. Տերնոնի՝ Հայկական Հարցի պատմութիւնը, որի առաջին դրուագն աւարտին է հասել Բեռլինի վեհաժողովում, սկիզբ է առնում Արդուլ Համիդի գահակալութեան շրջանից⁴²: Նրա հետ համամիտ են Ա. Պէլլերեանը եւ այլք⁴³: Նշենք, որ այս իրատեսական մօտեցման կողմնակիցներից ոմանք Հայկական Հարցը դիտում են իբրեւ Արեւելեան Հարցի բաղկացուցիչ մաս⁴⁴: Ա. Տէր-Մինասեանը, ի դէպ, միաժամանակ իր համոզմունքն է յայտնում է, որ Հայկական Հարցն ընդգրկում է Արեւելեան Հարցի բոլոր տարրերը⁴⁵:

Բացի այդ, յատկանշական է, որ Ֆրանսիացի պատմաբաններից ոմանք փաստում են մէկ յիշարժան հանգամանք եւս՝ կապուած Հայկական Հարցի միջազգայնացման սկզբնաւորման հետ Բեռլինի վեհաժողովում, քանի որ միջազգային ապարէզում այն հէնց այդտեղ է առաջին անգամ դարձել քննարկման առարկայ⁴⁶:

42 Y. Ternon. Les Arméniens. Histoire d'un génocide, p. 61.

43 St'ou A. Beylerian. Les origines de la Question arménienne du traité de San Stéphano au Congrès de Berlin (1878).- Revue d'histoire diplomatique, janvier-juin 1973, p. 139-171: Առնի՝ L'impérialisme et le mouvement national arménien (1885-1890), p. 19; A. Ter Minassian. La Question arménienne, p. 28; J.-M. Carzou, Գշ. աշխ., էջ 65:

44 G. Chaliand et Y. Ternon, Գշ. աշխ., էջ 27; A. Dastakian, C. Mouradian, Գշ. աշխ., էջ 27; C. Mouradian, L'Arménie, p. 47; A. Ter Minassian, L'Arménie et l'éveil des nationalités (1800-1914), p. 499.

45 A. Ter-Minassian, Histoires croisées. Diaspora. Arménie. Transcaucasie. 1880-1890. Préface de Vidal-Naquet, Marseille, 1997, p. 117.

46 A. Beylerian, La communauté arménienne de Trébizonde et le mouvement national (1878-1896), p. 10; C. Mouradian, Կշ. աշխ., էջ 47; A. Ter-Minassian, Կշ. աշխ., էջ 119:

39 St'ou օրինակ M. Нерсисян, Предисловие// Геноцид армян в Османской империи, сборник документов и материалов. Составители М. Г. Нерсисян, Р. Г. Саакян. Под редакцией проф. М. Г. Нерсисяна. Второе, дополненное издание. Ереван, 1982. Զ. Կիրակոսեան, Բուրժուական դիւանագիտութիւնը եւ Հայաստանը (XIX դարի 70-ական թթ.), Երեւան, 1978, էջ 4:

40 Լ. Խորշոզեան, Հայկական Բարքը, բովանդակութիւնը, ծագումը, պատմութեան հիմնական փուլերը, Երեւան, 1995, էջ 8: St'ou Ա. Գալոյեան, Պատմութեան քառուղիներում, Երեւան, 1982, էջ 76:

41 Լ. Խորշոզեան, Գշ. աշխ., էջ 16:

Այս Հարցում համահունչ կարծիք է յայտնում նաեւ Ժ.-Պ. Ալեմը, որը հաւաստում է, որ դիւանագիտական տեսանկիւնից Հայկական Հարցն իր ինքնահաստատումը գտել է Սան-Ստեֆանոյի եւ Բեռլինի վեհաժողովի պայմանագրերում եւ Օսմանեան կայսրութեան ներքին խնդրից վերածուել միջազգային իրաւունքի Հարցի⁴⁷: Այդուհանդերձ, հայեցակարգային առումով Հայկական Հարցի ծագման մեկնաբանութեան խնդրում նրա մօտեցումը Ֆրանսիացի պատմաբանների դիրքորոշման ընդհանուր հենքի վրայ առանձնանում է, քանզի, նրա համոզմամբ, այն առաջացել է դեռեւս այն պահից ի վեր, երբ հայերն ընկել են թուրքական բռնատիրութեան ճնշման տակ⁴⁸:

Ակնյայտ է, որ մեր կողմից քննարկուած հեղինակները Հայկական Հարցի ծագումը եւ էութիւնը մեկնաբանում են անկողմնակալ, ընդունելի եւ, ընդհանուր առմամբ, համանման դիրքերից: Հայկական Հարցի ակունքների առնչութեամբ մեր կողմից առարկութիւնների տեղիք է տալիս միայն Ժ.-Պ. Ալեմի մեկնաբանութիւնը⁴⁹:

Հայոց ցեղասպանութեան իրականացումը պետական քաղաքականութեան մակարդակով: Համիդեան կոտորածները, ինչպէս նշեցինք, իրականացուել են պետական քաղաքականութեան մակարդակով եւ կանխամտածուածութեան հիման վրայ, որոնք ցեղասպանութեան՝ իբրեւ երեւոյթի հիմնական բաղադրիչներն են: Ֆրանսիացի պատմաբանները յաւուր պատշաճի ուշադրութիւն են դարձնում այս էական հանգամանքների մեկնաբանութեան վրայ, հիմնաւորապէս ապացուցում, որ 1890-ական թուականներին արեւմտահայութեան բնաջնջումն իրականա-

ցուել է անձամբ Աբդուլ Համիդի նախաձեռնութեամբ եւ նրա իսկ՝ նախօրօք մշակած ծրագրի հիման վրայ:

Հարկ է ընդգծել, որ այս խնդրին առաւել հանգամանալից եւ բազմակողմանիօրէն անդրադարձել է Ի. Տերնոնը, որը բազմիցս ընդգծել է արեւմտահայութեան ոչնչացումը պետական քաղաքականութեան մակարդակով, մասնաւորապէս՝ բացայայտել սուլթանի դերը համիդեան կոտորածների կազմակերպման գործում եւ օսմանեան իշխանութիւնների յանցակցութիւնը հայերի ոչնչացման գործընթացին: 1895 թ. Օսմանեան կայսրութեան տարածքում իրականացուած արեւմտահայութեան զանգուածային կոտորածների առնչութեամբ նա նշում է, որ դրանք «կազմակերպուել են, նախապատրաստուել եւ համագասուել սուլթան Աբդուլ Համիդի, ամէն դէպքում՝ Պալէի կողմից»⁵⁰: Բանկ Օտտոմանի գրաւման կապակցութեամբ պատմաբանը փաստում է օսմանեան գահակալի իրազեկութիւնը հայերի կողմից նախապատրաստուող գործողութեանը եւ դրանով իսկ մերկացնում նրա նենգ վարքագիծը, որը յանգում էր ընձեռուած առիթի օգտագործմանը՝ «ոստիկանութեան կողմից խնամքով նախապատրաստուած կոտորածի ծրագրի իրականացման համար»⁵¹:

Ի. Տերնոնը չի շրջանցում նաեւ ոչ նուազ կարեւոր մէկ այլ հանգամանք, այն է՝ օսմանեան տեղական իշխանութիւնների

50 Y. Ternon. Les Arméniens. Histoire d'un génocide, p. 123. տե՛ս Ատե Առնի՝ L'État criminel, p. 182. Առնի՝ L'innocence des victimes. Au siècle des génocides, p. 42.

51 Y. Ternon. Les Arméniens. Histoire d'un génocide, p. 137. այս հանգամանքը, ի դէպ, բազմիցս փաստել են նրա ֆրանսիացի ճանորդները (Ա. Վանդալ, Է. Լաիս, Է. Լամի եւ այլք): St'ou Վ. Պօղոսեան, Հայոց ցեղասպանութեան առաջին փուլը ֆրանսիական պատմագրութեան եւ հասարակական-քաղաքական մտքի գնահատմամբ (XIX դարի վերջ — XX դարի սկիզբ), էջ 68, 105, 108:

47 J.-P. Alem, Գշ. աշխ., էջ 33:
48 Նոյն տեղում, էջ 37:
49 Նշենք, որ Հայկական Բարքի ծագման հանգամանքների քննարկումը շրջանցում է Ա. Կիրակոսեանը, տե՛ս A. Krikorian, Գշ. աշխ., էջ 14:

դեկավար դերի բացայայտումը, եւ ըստ այդմ՝ մէկ անգամ եւս հիմնաւորում է հայերի բնաջնջումը կանխամտածուածութեան հիման վրայ: Ներկայացնելով Արեւմտեան Հայաստանի տարբեր վիլայէթներում տեղի ունեցած կոտորածների ընդգրկուն համայնապատկերը՝ նա պարբերաբար յղում է դրանց իրականացմանն առնչուող փաստեր, որոնք մերկացնում են տեղական օսմանեան բարձրաստիճան պաշտօնեաների դերակատարութիւնն արեւմտահայութեան ոչնչացման գործում (կոտորածների նախորդին հայերի տների խուզարկութիւն, նրանց զինաթափում, զէնքի ու ռազմամթերքի տրամադրում թուրքերին, կոտորածների սանձազերծում ըստ ազդանշանի, հայերին կեղծ խոստումների շռայլում եւ այլն, որոնց անմիջապէս յաջորդել են նրանց կոտորածները)⁵²:

Ըստ էութեան, միեւնոյն անկողմնակալ դիրքերից են այս խնդիրը քննարկում Ի. Տերնոնի տարբեր գործընկերները: Ա. Կրիկորեանը, հայերի կոտորածները շաղկապելով Հայկական հարցին լուծում տալու՝ Արդուլ Համիդի մտադրութեանը, ընդգծում է նրա վճռորոշ դերը դրանց կազմակերպման եւ իրականացման գործում⁵³: Ժ. Վ. Կիւրեղեանը փաստում է, որ հայերի բնաջնջման մեթոդը մշտապէս եւ ամէնուրեղել է միեւնոյնը, որին մասնակցել են դրան «վաղօրօք նախապատրաստուած զինուորները, քրդերը, չերքեզները, չեչեններն ու մարդասպանների հրոսակախմբերը»,⁵⁴ եւ գրանով իսկ անուղղակիօրէն ի դերեւ է հանում օսմանեան իշխանութիւնների կանխամտածուածութիւնն արեւմտահայութեան կոտորածների գործում: Հայ ժողովրդի բնաջնջման հարցում օսմանեան կենտրոնական իշխանութիւնների եւ ան-

ձամբ Արդուլ Համիդի կրած պատասխանատուութիւնը Կ. Մուրադեանը համարում է «անառարկելի»: Յղելով եւրոպացի դիւանագէտների հաղորդագրութիւնները, նա մանրամասնում է սուլթանի դեկավար դերը կոտորածների իրականացման ընթացքում, փաստում թուրք խաժամուժի, քրդերի, օսմանեան բանակի եւ ոստիկանութեան մասնակցութիւնը կոտորածներին եւ ըստ դրանց ծաւալման առանձնայատկութիւնների՝ բացայայտում կանխամտածուածութեան առկայութիւնը⁵⁵:

Միեւնոյն դիրքերից է հարցը քննարկում Ժ.-Մ. Կարգուն: 1896 թ. Բանկ Օստոմանի գրաւմանը յաջորդած՝ Կոստանդնուպոլսի հայ բանկչութեան կոտորածների առնչութեամբ նա նշում է. «Ակնյայտ է, թէ այդ ժամանակ ինչպիսի մակարդակով է սուլթանն ամէն ինչ իրականացրել կանխամտածուած, կազմակերպուած, դիտաւորեալ ձեւով»⁵⁶:

Ժ.-Պ. Ալեմն Արդուլ Համիդի մտայղացած՝ հայերի ոչնչացման ծրագիրը բնորոշում է իբրեւ «նողկալի»⁵⁷: Նա փաստերով հիմնաւորում է Հայկական կոտորածների իրականացումը պետական մակարդակով, մատնանշում, մասնաւորապէս 1895 թ. լայնածաւալ կոտորածների սանձազերծմանը նախորդած՝ սուլթանի նախապատրաստական աշխատանքները (հայկական նահանգների մեկուսացումն արտաքին աշխարհից, ճանապարհորդութիւնների արգելումն Արեւմտեան Հայաստանում, փոստային ծառայութիւնների նկատմամբ գրաքննութեան սահմանումը, մահմեդականների զինումը, վերջիններիս շրջանում մոլեռանդութեան բորբոքումը մօլլաների կողմից եւ այլն)⁵⁸: Սակայն իրադարձութիւններին,

52 Y. Ternon. Les Arméniens. Histoire d'un génocide, p. 112-119.
53 A. Krikorian, ԱԶ, աշխ., էջ 153:
54 A. Krikorian, ԱԶ, աշխ., էջ 179-180:

55 C. Mouradian. La Question d'Orient ou la sanglante agonie de «l'homme malade», p. 76-77.
56 J.-M. Carzou, ԱԶ, աշխ., էջ 87:
57 J.-P. Alem, ԱԶ, աշխ., էջ 38:
58 Նոյն տեղում, էջ 38-39:

ինչպէս տեսնում ենք, անկողմնակալ մեկնաբանութիւններ տուող Ժ.-Պ. Ալեմը, որքան էլ տարօրինակ է, 1896 թ. Կոստանդնուպոլսում ծաւալուած հայկական կոտորածների գնահատման առնչութեամբ յանգում է անընդունելի հետեւութեան, ըստ որի՝ դրանք մեծ տէրութիւններին ի ցոյց են դրել «կենտրոնական իշխանութեան անզօրութիւնը»⁵⁹: Հեղինակի այս հետեւութիւնն ակնյայտօրէն հակասում է նրա իսկ վկայակոչած փաստերին, որոնք բացայայտում են կոտորածների կազմակերպումն անձամբ Արդուլ Համիդի կողմից:

Հարկ է նշել, որ ըստ 1890-ական թթ. ծաւալուած իրադարձութիւնների զարգացման՝ Ֆրանսիացի տարբեր պատմաբաններ արձանագրել են օսմանեան իշխանութիւնների կողմից հայերի ոչնչացման ծրագրի կատարելագործումը: Ա. Պէլլերեանը կասկած իսկ չի տածում, որ հայերին կոտորելու միջոցով Հայկական հարցին լուծում տալու գաղափարը մտայղացել է Արդուլ Համիդը, որը 1894 թ. ի վեր կիրառել է «ցեղասպանութեան այդ ծրագիրը»՝ բնաջնջելու համար հայ ժողովրդին նրան իսկ պատկանող հայրենիքում⁶⁰: Հիմնուելով արեւմտեան դիւանագէտների գրագրութիւնների վրայ՝ նա հերքում է այն թիւր տեսակէտը, թէ իբր հայերի դէմ 1895 թ. կազմակերպուած լայնածաւալ կոտորածները հետեւանք էին բարենորոգումների նախագծին առնչուող սուլթանի՝ 1895 թ. հոկտեմբերին հռչակած հրովարտակի, եւ միաժամանակ շեշտում նախքան այդ «օսմանեան իշխանութիւնների կազմակերպած ոճիրների» իրականացումը կանխամտածուածութեան հիման վրայ⁶¹: Նրա անժխտելի արժանիքներից նշենք 1895 թ. Տրապիզոնում տեղի ունե-

59 Նոյն տեղում, էջ 40:
60 A. Beylerian, L'impérialisme et le mouvement national arménien (1885-1890), p. 51.
61 A. Beylerian, La communauté arménienne de Trébizonde et le mouvement national (1878-1896), p. 22.

ցած հայկական կոտորածների մանրագնին ուսումնասիրութիւնը, ինչը նրան Հնարաւորութիւն է ընձեռել յանգելու միանգամայն իրատեսական հետեւութեան, ըստ որի՝ հոկտեմբերի 8-ից ի վեր այս քաղաքում տեղի ունեցած իրադարձութիւնները նշանաւորում են վճռորոշ փուլ «օսմանեան կառավարութեան որդեգրած՝ կոտորածների նոր ծրագրում»⁶²:

Ժ. Շալեանը եւ Ի. Տերնոնը եւս չեն շրջանցել Արդուլ Համիդի քաղաքականութեան փոփոխութեան կարեւոր հանգամանքը՝ մանրամասնելով, որ 1895-1896 թթ. նա անցում է կատարել արեւմտահայութեան բնաջնջման յաջորդ փուլին՝ Օսմանեան կայսրութեան տարածքում «հաւաքական կոտորածների» իրականացմանը⁶³:

Ա. Տէր-Մինասեանը համիդեան կոտորածների սանձազերծմանն առնչուող խնդրին անդրադառնում է աւելի սահմանափակ կտրուածքով: Մեկնաբանելով դրանք իբրեւ 1890-1896 թթ. օսմանեան կառավարութեան ճնշումներին հայերի ցուցաբերած դիմադրական շարժման պատասխան՝ նա, այդուհանդերձ, չի շրջանցում 1895 թ. կոտորածների «մանրակրկիտ կազմակերպումը, որը բացայայտում է արդէն համատարած բնաջնջման ծրագիրը»⁶⁴:

Համիդեան կոտորածների պատճառները: Ինչ վերաբերում է Հայոց ցեղասպանութեան առաջին փուլի պատճառներին, Ֆրանսիացի պատմաբաններից ոմանք շրջանցում են դրանց քննութիւնը, իսկ այլք սահմանափակում սոսկ թռուցիկ դիտարկումներով, որոնք, ընդհանուր առմամբ, առնչում են կոտորածների գլխաւոր պատճառի՝ Հայկական հարցին լուծում

62 Նոյն տեղում, էջ 25:
63 G. Chaliand et Y. Ternon, ԱԶ, աշխ., էջ 30:
64 A. Ter Minassian, La Question arménienne, p. 30; Այլ՝ L'Arménie et l'éveil des nationalités (1800-1914), p. 503.

տալու անհրաժեշտութեան փաստմանը⁶⁵: Վերջիններիս թուում են, ինչպէս վերը նշուեց, Ա. Կրիկորեանը եւ Ա. Պէյլերեանը: Ի. Տերնոնը եւս, ուշադրութիւնը կենտրոնացնելով միեւնոյն պատճառի վերլուծութեան վրայ, մանրամասնում է նաեւ Աբդուլ Համիդի մտայղացած՝ հայերի բնաջնջման ծրագրի հասունացման իւրայատկութիւններից մէկը, այն է՝ սուլթանն ըմբռնել է Հայկական հարցին ըստ իր հայեցողութեան լուծում տալու հնարաւորութեան հաւանականութիւնն այն բանից յետոյ, երբ գիտակցել է մեծ տէրութիւնների դեկավար շրջանակաների մօտ՝ զինուած միջամտութեան միջոցով Օսմանեան կայսրութեան ներքին գործերին լուծումներ տալու ցանկութեան բացակայութիւնը⁶⁶, ինչն ամբողջութեամբ համապատասխանում է իրականութեանը:

Բոլորովին այլ կտրուածքով է հիմնախնդրին մօտենում Ռ. Յ. Գեւորգեանը, որի կարծիքով համիդեան կոտորածները կոչուած էին ոչ միայն կրճատելու հայ բնակչութեան թուաքանակը, այլեւ, ինչն աւելի կարեւոր է, թուլացնելու նրա սոցիալ-տնտեսական դիրքերը⁶⁷: Նրա մեկնաբանութիւններն այս առթիւ թէեւ անառարկելի են, այդուհանդերձ, սպառիչ չեն:

ժ.-Ա. Ալեմի մօտեցումն աւելի ընդգրկուն է, քանզի նա իրաւամբ Հայկական հարցի լուծումը քննարկում է 1878 թ. յետոյ ստեղծուած միջազգային իրադրութեան հենքի վրայ եւ այն պայմանաւորում Աբդուլ Համիդի համար՝ «երկրորդ Բուլղարիայի» վերածուած Հայաստանի խնդիրը կարգաւորելու սուլթանի ցանկութեամբ⁶⁸:

Այդուհանդերձ, մեր կողմից քննարկուող հեղինակների թուում հարկ է առանձնացնել ժ.-Մ. Կարգուին, որը խնդրոյ առարկայ հարցը վերլուծում է, ըստ էութեան, միեւնոյն կտրուածքով, սակայն աւելի լայն ետնախորքի վրայ: Համեմատելով Արեւմտեան Հայաստանի եւ թուրքերի կողմից բռնազաւթուած ու կայսրութեան տարածքում ընդգրկուած այլ երկրների (Յունաստան, Բուլղարիա, Լիբանան) աշխարհագրական դիրքերի առանձնայատկութիւնները, նա աչքաթող չի անում որոշ խիստ կարեւոր հանգամանքներ, նշում է, մասնաւորապէս, որ այն գտնուում էր թուրանական էքսպանսիայի կենտրոնում, ինչպէս նաեւ՝ ընդգծում օսմանեան կառավարութեան մոլեգին ցանկութիւնը «կայսրութեան վերջին նահանգը» հանդիսացող այս տարածքը պահպանելու հարցում, առաւել եւս, որ հպատակեցուած երկրների մի մասը նրա ճիրաններից արդէն ազատուել էր: Ըստ այդմ՝ ժ.-Մ. Կարգուն, փաստօրէն, Հայկական հարցին լուծում տալու անհրաժեշտութիւնը դասուում է համիդեան կոտորածների հիմնական պատճառների շարքը եւ միաժամանակ առանձնացնում դրա ծագման իւրայատկութիւնը՝ այն դիտելով ոչ թէ իբրեւ «որեւէ տիրոյթ նուաճելուն կամ պաշտպանելուն միտուած իմպերիալիստական բնոյթի առճակատում», այլ Օսմանեան կայսրութեան համար կենսական նշանակութիւն ունեցող հակամարտութիւն⁶⁹:

Հայերի ինքնապաշտպանութիւնը: Համիդեան կոտորածների պատճառների մեկնաբանութիւնը դեռեւս 1890-ական թթ. երկրորդ կէսից՝ Հայոց ցեղասպանութեան պատմագրութեան ժխտողական ուղղութեան նախակարապետների եւ յետագայում նրանց հիմնական թեզերը որդեգրած թուրքական պատմագրութեան ներկայացուցիչների ու նրանց այլազգի հա-

69 J.-M. Carzou, Գ2. աշխ., էջ 80-81:

65 J. V. Guréghian, Գ2. աշխ., էջ 179:

66 Y. Ternon, Les Arméniens. Histoire d'un génocide, p. 72.

67 R. H. Kévorkian, Գ2. աշխ., էջ 19:

68 J.-P. Alem, Գ2. աշխ., էջ 37:

մախոհների կողմից բազմիցս ներկայացուել է հակապատմական դիրքերից: Ժխտողական ուղղութիւնը սկզբնաւորուել է Ֆրանսիայում՝ համիդեան կոտորածների սանձազերծմանը զուգընթաց: Այս ուղղութեան ներկայացուցիչները Աբդուլ Համիդի պատուէրով ձեռնամուխ են եղել միանգամայն տարբեր կտրուածքներով թէ՛ Հայոց ցեղասպանութեան եւ թէ՛ Օսմանեան կայսրութեան պատմութեան կեղծմանն ու նենգափոխմանը⁷⁰:

Ժխտողական ուղղութեան ներկայացուցիչների հիմնական կռուաններից մէկը յանգում է օսմանեան պետութեան դէմ՝ ժ. Գ. վերջին եւ Ի. Գ. սկզբին պարբերաբար ծայր առած տարբեր «Հայկական ապստամբութիւնների» վարկածի առաջադրմանը: Խեղաթիւրելով պատմական փաստերը՝ նրանք համիդեան կոտորածների հետեւանքով կեանքի կոչուած հայերի ինքնապաշտպանական մարտերը պարբերաբար եւ հետեւողականօրէն ներկայացրել են իբրեւ «Հայկական ապստամբութիւններ», ինչի հետեւանքով երկրում կարգ ու կանոնը վերահաստատելու նպատակով Աբդուլ Համիդը հարկադրաբար ձեռնարկել է «ապստամբ» հայերի դէմ ուղղուած պատժիչ գործողութիւններ: Ուստի սուլթանի քաղաքականութիւնը, ըստ նրանց մեկնակերպի, եղել է օրինական եւ միանգամայն արդարացուած:

Այս տեսակէտն իր հետեւորդներն է ունեցել նաեւ ի դէմս Ի. Գ. երկրորդ կէսի եւ ԻԱ. Գ. սկզբի ֆրանսիացի որոշ պատմաբանների⁷¹: Փոխարէնը՝ քննարկուող

ժամանակաշրջանում ֆրանսիական պատմագրութեան ներկայացուցիչների գերակշռող մասը, ցուցաբերելով անկողմնակալ մօտեցում, արեւմտահայութեան ինքնապաշտպանութեան խնդիրը շաղկապել է պլխաւորապէս օսմանեան վարչակարգի կեղեքումների եւ Աբդուլ Համիդի սանձազերծած հայկական կոտորածներին դիմակայելու՝ արեւմտահայութեան իրաւունքների հետ:

Հայեացք նետելով համիդեան կոտորածներին նախորդած ժամանակաշրջանին՝ Ա. Պէյլերեանը փաստում է օսմանեան կառավարութեան «չարագուշակ» քաղաքականութեան հետեւանքով արեւմտահայութեան առջեւ ծառայած երկրնտրանքը՝ կա՛մ լքել հայրենիքը, կա՛մ պայքարել աւազակների եւ կեղեքիչ պաշտօնեաների դէմ: Ստեղծուած անելանելի իրավիճակն արեւմտահայութեանը դրդել է նախընտրել երկրորդ տարբերակը, ինչի արդիւնքում դեռեւս 1885 թ. հիմնադրուել է առաջին ազգային «Արմէնական» կուսակցութիւնը⁷²: Ինչ վերաբերում է 1890-ական թուականների իրադարձութիւններին, նա իրաւամբ մատնանշում է, որ ժամանակակից պատմութեան մէջ սակաւաթիւ են դէպքերը, երբ ոչ նշանակալից յեղափոխական գործողութիւնները կառավարութեան կողմից շահարկուել են նման դաժանութեամբ: Ունենալով բոլոր իրաւունքները՝ Ա. Պէյլերեանը 1894 թ. Սասունում հայերի կազմակերպած ինքնապաշտպանութիւնն անուանում է սոսկ «կարծեցեալ ապստամբութիւն», որին իրականում նախորդել է հայերի ոչնչացմանն առնչուող՝ սուլթանի կայացրած վճիռը⁷³: Ա. Կրիկորեանը եւս Սասունում եւ Զէյթունում հայերի կազմակերպած ըմբոստութիւնները համարում է ընդամէնը «ինքնապաշտպանութեան»

70 Տե՛ս Վ. Պօղոսեան, Հայոց ցեղասպանութեան առաջին փուլը ֆրանսիական պատմագրութեան եւ հասարակական-քաղաքական մտքի գնահատմամբ (XIX դարի վերջ - XX դարի սկիզբ), էջ 171-209:

71 Այդ մասին տե՛ս Վ. Պօղոսեան, Համիդեան կոտորածների պատմութեան գեոգրափոխումը ֆրանսիական պատմագրութեան կողմից, էջ 293-316:

72 A. Beylerian, L'impérialisme et le mouvement national arménien (1885-1890), p. 24.

73 Նոյն տեղում, էջ 41:

դրսեւորումներ, որոնք ամբողջ երկրում յանգեցրել են սարսափելի ճնշումների⁷⁴:

Այս հարցում նրանց կարծիքներին համահունչ են Ի. Տերնոնի մեկնաբանութիւնները, որը 1895-1896 թթ. ծաւալուած հայկական ինքնապաշտպանական մարտերը դիտում է իբրեւ սոսկ Աբգուլ Համիդի՝ հայերի նկատմամբ կիրառած հալածանքներին եւ հայկական կոտորածների ծրագրմանը յաջորդած գործողութիւններ⁷⁵: Նա բազմիցս փաստում է հայերի կարծեցեալ սադրանքների, առաւել եւս՝ նրանց պատմութեան բացակայութեան հանգամանքները, փոխարէնը՝ մատնանշում, որ սուլթանի հայ հպատակները պահանջում էին միայն իրենց արդէն իսկ խոստացուած բարենորոգումների կիրառում, եւ ըստ այդմ՝ յանգում է միակ հնարաւոր տրամաբանական հետեւութեան. «Ոչ մի ճնշում, այսպիսով, չէր արդարացուած»⁷⁶:

Այս խնդրի առնչութեամբ Կ. Մուրադեանն ուշադրութիւնը հրաւիրում է մէկ այլ էական հանգամանքի վրայ. չժխտելով բարենորոգումների շուրջ շոյալուած սին խոստումների հետեւանքով հայերի շրջանում առաջ եկած յուսալքութիւնը, որը երբեմն յանգեցրել է պատմութիւնների եւ բախումների՝ նա, այդուհանդերձ, ըստ եւրոպացի դիւանագէտների թղթակցութիւնների՝ մատնացոյց է անում այս ժամանակաշրջանում հայերին, ըստ էութեան, համակած անտարբերութիւնը եւ նրանց անտրտունջ պահուածքը. «Միապետի օրինականութիւնը չի թուում, թէ երբեւէ բացայայտօրէն առարկութիւնների տեղիք է տուել», - եզրակացնում է նա⁷⁷:

74 A. Krikorian, Գշ. աշխ., էջ 14:
75 Y. Ternon, Les Arméniens. Histoire d'un génocide, p. 98-99. Առջին՝ L'innocence des victimes. Au siècle des génocides, p. 42.
76 Y. Ternon, Les Arméniens. Histoire d'un génocide, p. 123. Առջին՝ Mardin 1915. Anatomie pathologique d'une destruction, p. 64.
77 C. Mouradian, Գշ. աշխ., էջ 76:

Յրանսիացի պատմաբանների մի մասը չի շրջանցում նաեւ հայ վրիժառուների՝ Ֆիդայիների գործունէութիւնը: Վանում եւ Զէյթունում արձանագրուած՝ «հայկական դիմադրական» շարժման որոշ դրուագներ Ժ.-Պ. Ալեմը բնորոշում է իբրեւ հերոսական, այդուհանդերձ, մանրամասնում, որ այն ամենեւին համընդհանուր բնոյթ չի կրել: Հարցին մօտենալով անաչառ դիրքերից՝ նա միաժամանակ հայ Ֆիդայիների գործողութիւնները պայմանաւորում է կոտորածների ծաւալմամբ, ինչը նպաստել է հայերի դիմադրութեան ամրապնդմանը⁷⁸: Ժ.-Մ. Կարզուն եւս, արժեւորելով հայերի ինքնապաշտպանութիւնը եւ այն համարելով բռնութիւնները կասեցնելու միջոց, խօսքը կենտրոնացնում է մասնաւորապէս 1895 թ. Զէյթունում տեղի ունեցած իրադարձութիւնների վրայ, փաստում, որ զինուած դիմադրութիւնն այստեղ կեանքի է կոչուել իբրեւ հարստահարութիւնների ենթարկուող հայերի՝ ողբերգական կացութիւնից ելք որոնելու հնարաւորութիւններից մէկը⁷⁹:

Այս հարցն առաւել ընդգրկուն դիրքերից է քննարկում Ա. Տէր-Մինասեանը, որն ընդգծում է էական մի հանգամանք, այն է՝ հայ Ֆիդայիների զինուած խմբերն ունեցել են յստակ նպատակ՝ հնարաւորութեան սահմաններում խուսափել յարձակողական գործողութիւններից, իսկ փոխարէնը օգնութեան շտապել հայկական գիւղերի՝ դժուարին վիճակում գտնուող բնակիչներին, արթնացնել նրանց քաղաքական ինքնագիտակցութիւնը եւ մղել դիմադրութեան⁸⁰:

Համանման իրատեսական հետեւութիւններով Ֆրանսիացի պատմաբանները հիմնաւորապէս հերքում են Ժ.Պ. դարի

78 J.-P. Alem, Գշ. աշխ., էջ 39, 41:
79 J.-M. Carzou, Գշ. աշխ., էջ 88-89:
80 A. Ter-Minassian, La Question arménienne, P. 125.

90-ական թուականների կէսերին «հայկական պատմութեան» կարծեցեալ, ոչնչով չհիմնաւորուած, շինծու վարկածը եւ հուժկու հակահարուած տալիս Հայոց ցեղասպանութեան պատմութեան կեղծարարների սնանկ թեզերին:

Եւրոպական մեծ տէրութիւնների քաղաքականութիւնը: Կասկածից վեր է, որ 1890-ական թթ. հայկական կոտորածների իրականացմանը մեծապէս նպաստել է եւրոպական պետութիւնների, ըստ էութեան, կրաւորական քաղաքականութիւնն Օսմանեան կայսրութիւնում տեղի ունեցող իրադարձութիւնների հանդէպ, որից մեծապէս եւ հմտօրէն օգտուել է խելացի եւ խորամանկ Աբգուլ Համիդը: Ելնելով իրենց ռազմավարական շահերից՝ մեծ տէրութիւնների ղեկավարները հետեւողականօրէն հետամուտ են եղել Օսմանեան կայսրութեան տարածքային ամբողջականութեան պահպանութեան քաղաքականութեանը, ձեռնպահ մնացել օսմանեան գահակալի ներքին գործերին զինուած ճանապարհով միջամտելուց եւ բաւարարուել նրան պարբերաբար սոսկ Արեւմտեան Հայաստանում բարենորոգումների իրականացման պահանջներ ներկայացնելով, ինչը չէր կարող վրիպել վերջինիս խորաթափանց հայեացքից: Ուստի միանգամայն օրինաչափ է, որ Ֆրանսիացի պատմաբանների գերակշռող մասը յաւուր պատշաճի անդրադարձել է մեծ տէրութիւնների քաղաքականութեանն առնչուող հիմնախնդիրներին եւ խստագոյնս դատապարտել այն կերտողներին:

Թէպէտ Հայկական Հարցում եւրոպական պետութիւնների քաղաքականութիւնը պախարակած Ֆրանսիացի բոլոր պատմաբանների դիրքորոշումը համահունչ է, այդուհանդերձ, սոյն հիմնահարցը նրանք արձարձել են անհամաչափօրէն, ինչը պայմանաւորուած է նրանց աշխատութիւնների բնոյթով: Եթէ նրանցից ոմանք Հարցը քննարկել են Հայոց ցեղասպանութեան պատ-

մութեանը նուիրուած մասնագիտական ուսումնասիրութիւններում՝ լայն ետնախորքի վրայ, ապա այլ՝ ընդհանուր բնոյթի աշխատութիւններում՝ բաւարարուելով այս առնչութեամբ սոսկ հպանցիկ դիտարկումներով: Առաւել մանրամասնօրէն մեծ տէրութիւնների քաղաքականութիւնը վերլուծել են Ի. Տերնոնը, Կ. Մուրադեանը եւ Ժ.-Մ. Կարզուն:

Մեր կողմից քննարկուող հեղինակների թուում իմաստ ունի առանձնացնել եւրոպական պետութիւնների երկդիմի քաղաքականութեան դիմագիծը հիմնաւորապէս մերկացնող Ի. Տերնոնին: Հայեացք նետելով Հայկական Հարցի ծագման ակունքների վրայ՝ նա հաւաստում է, որ 1870-ական թուականներից ի վեր «եւրոպական դիւանագիտութիւնը» ըստ իր շահերի այն դարձնում էր քննարկումների առարկայ կամ մոռացութեան մատնում⁸¹: Դիցուք, Անգլիայի ընդգծուած հակահայկական քաղաքականութիւնը դեռեւս Բեռլինի վեհաժողովի նախօրեակին նա բնութագրում է իբրեւ «միաժամանակ անբարոյթական եւ բախտախնդիր»⁸²: Մանրամասնելով, որ մեծ տէրութիւնները Հայկական Հարցը դարձրել էին «միջազգային հարց», նա հաստատականօրէն փաստում է նրանց կրաւորական դիրքորոշումն արեւմտահայկական իրական հովանաւորութիւնն ապահովելու հարցում, եւրոպական դիւանագիտութեան կիրառած քաղաքականութիւնը բնութագրում ոչ միայն իբրեւ «օպորտունիստական», այլեւ, օգտագործելով Յ. դը Պրեսանսէի արտայայտութիւնը, «անբարոյական»⁸³:

Նկարագրելով եւ վերլուծելով 1890-ական թուականների համիդեան կոտորածների ընթացքը լայն հենքի վրայ՝ Ի. Տերնոնը

81 Y. Ternon, Les Arméniens. Histoire d'un génocide, p. 61.
82 Նոյն տեղում, էջ 66:
83 Նոյն տեղում, էջ 69:

պարբերաբար անդրադառնում է եւրոպական պետութիւնների խորամանկ քաղաքականութեան առջիկների բացայայտմանը, շեշտում, որ այն սահմանափակում էր ընդամենը օսմանեան կառավարութեանը բողոքներ ներկայացնելու շրջանակում⁸⁴: Նման դիրքորոշման հիմքում նա իրաւամբ խարսխում է գլխաւորապէս տէրութիւնների տնտեսական եւ ֆինանսական շահերը, որոնք պայմանաւորուած էին, մասնաւորապէս «օսմանեան պարտքի» վճարման անհրաժեշտութեամբ⁸⁵: Այս առիթով հարկ է նշել, որ ԺԹ. դարի երկրորդ կէսին մեծ տէրութիւններին շուրջ 143.2 միլիոն թուրքական ոսկու սահմանում «օսմանեան պարտքի» առեւծի բաժինը՝ 62.9 տոկոսը, օսմանեան վարչակարգը պարտք էր Ֆրանսիային⁸⁶:

Ի. Տերնոնը քննարկում է տէրութիւնների հակահայկական քաղաքականութեան պատճառները, որոնք մասնաւոր հարցերում երբեմն զանազանում էին, բացայայտում նաեւ սուլթանին քաջալերող՝ Ռուսաստանի՝ Արեւմտեան Հայաստանում բարենորոգումների իրականացման խնդրում բացասական վերաբերմունքի առանձնաշատութիւնները (մտավախութիւնն արեւմտահայութեան կացութեան բարելւման հեռանկարից, քանզի այն կարող էր դառնալ «վտանգաւոր նախադէպ»)՝⁸⁷: Արդիւնքում, հաշուի առնելով մեծ տէրութիւնների եսասիրական տարրեր շահախնդրութիւնները, Ի. Տերնոնը փաստում է նրանց, իսկ աւելի մասնաւորապէս՝ «Հայկական հարցի նկատմամբ առաւել բարեհաճօրէն» տրա-

մադրուած անգլիական եւ ֆրանսիական կառավարութիւնների որդեգրած՝ Օսմանեան կայսրութեան տարածքային ամբողջականութեան պահպանութեան վարդապետութեանը հետամուտ լինելու շահագրգռուածութիւնը⁸⁸: Այդ իսկ պատճառով վերջիններս նախընտրում էին հայկական կոտորածների կասեցման միակ գերադասելի օսմանեան կառավարութեանը բողոքների եւ յայտագրերի ներկայացման ուղին, որը նրանց «հնարաւորութիւն կընձեռէր խուսափել եւրոպական պատերազմից»⁸⁹:

Կ. Մուրադեանը եւս, ինչպէս Ի. Տերնոնը, հիմնահարցը քննարկում է լայն ընդգրկմամբ եւ յանգում միեւնոյն հիմնական հետեւութիւններին՝ մատնանշելով, թէ ինչպէս էր Աբդուլ Համիդն օգտուած տէրութիւնների միջեւ առկայ «թշնամանքից»⁹⁰: Նա մանրամասնօրէն վերլուծում է Հայկական հարցում Գերմանիայի, Աւստրիայի, Ռուսաստանի, Անգլիայի եւ Ֆրանսիայի անտարբեր քաղաքականութեան պատճառները, փաստում, որ զինուած միջամտութիւնն Օսմանեան կայսրութեան ներքին գործերին անյարիր էր նրանց թէ՛ տնտեսական եւ թէ՛ քաղաքական շահերին: Հեղինակը խիստ քննադատում է Ֆրանսիայի արտաքին քաղաքականութիւնը, որի անտարբեր դիրքորոշումն իրաւամբ մեկնաբանում է նրա դաշնակցի՝ Ռուսաստանի քաղաքականութեանը III Հանրապետութեան ղեկավարների անսասան հաւատարմութեամբ: Ինքնակալական Ռուսաստանի ոչ այնքան հայանպաստ քաղաքականութիւնն այս ժամանակաշրջանում Կ. Մուրադեանը շաղկապում է նոր անկախ պետութիւնների առաջացման հանդէպ ինքնակալութեան խիստ բացասական դիրքորոշման հետ, քանի որ դրանք կարող էին վերածուել տհաճ նախադէպերի կամ դառնալ

84 Y. Ternon, L' tat criminel, p. 182.
 85 Y. Ternon, Les Arméniens. Histoire d'un génocide, p. 82-83.
 86 E. K. Саркисян, Политика османского правительства в Западной Армении и державы в последней четверти XIX и начале XX вв., Ереван, 1972, с. 186.
 87 Y. Ternon, Les Arméniens. Histoire d'un génocide, p. 105:

88 Նոյն տեղում, էջ 129:
 89 Նոյն տեղում:
 90 C. Mouradian, Գ2. աշխ., էջ 78:

թշնամի հարեւաններ: Ըստ այդմ, նկատի ունենալով այն անցանկալի հեռանկարները, որոնց կարող էր յանգեցնել Օսմանեան կայսրութեան ներքին գործերին Ֆրանսիայի զինուած միջամտութիւնը, հեղինակը յանգում է միանգամայն ընդունելի հետեւութեան՝ մանրամասնելով, որ «յեղափոխութեան եւ մարդու իրաւունքների երկիրը», որը յանուն առաջադիմութեան եւ կայսրութիւնում տիրող իրավիճակի բարելւման շատ աւելի բարեացակամօրէն էր տրամադրուած բարենորոգումների իրականացման խնդրում, այդուհանդերձ, մտադրութիւն չունէր «այնտեղ գոհարել իր շահերը եւ ազդեցութիւնը՝ ի նպաստ թշնամի տէրութիւնների՝ Մեծ Բրիտանիայի եւ Գերմանիայի»⁹¹: Արդիւնքում՝ Կ. Մուրադեանը փաստում է անառարկելի մի ճշմարտութիւն, այն է՝ արեւմտեան տէրութիւնների միջամտութիւնը չէր հատում բանաւոր բողոքների սահմանը⁹², ուստի եւ չէր կարող շօշափելի արդիւնքների յանգեցնել:

Համանման դիրքերից է հարցը քննարկում նաեւ Ժ.-Մ. Կարզուն: Նա փաստերով հիմնաւորում է, որ 1895-1896 թթ. մեծ տէրութիւններն իրենց առաքելութիւնը սահմանափակում էին՝ օսմանեան կառավարութեանը ղիւանագիտական յայտադրեր ներկայացնելով, սակայն խուսափում գործնական միջոցների դիմելուց⁹³: Խօսքը կենտրոնացնելով 1896 թ. Բանկ Օտտոմանի գրաւման եւ դրան յաջորդած կոտորածների հետեւանքով մեծ տէրութիւնների դիւանագիտական միջամտութիւնների վրայ, որոնք ինչպէս միշտ պարփակում էին Բարձր Դուռը ներկայացուած բողոքների շրջանակում, նա նման քաղաքականութիւնը մեկնաբանում է եւրոպայի՝ «նազմական առճակատումը» շր-

ջանցելու ցանկութեամբ⁹⁴: Ժ.-Մ. Կարզուն աւելի հիմնաւոր ձեւով բացայայտում է ստեղծուած իրավիճակում Աբդուլ Համիդի կեղծաւոր քաղաքականութեան դիմագիծը: Սուլթանի երկարատեւ բանակցութիւնները եւրոպական տէրութիւնների ներկայացուցիչների հետ նա մեկնաբանում է վերջինիս սոսկ ժամանակ շահելու մտադրութեամբ, որը, միաժամանակ օգտուելով ինքնակալական Ռուսաստանի թողուութիւնից, սաստկացնում էր հայերի ոչնչացման գործընթացը⁹⁵:

Կասկածից վեր է, որ կործանման դատապարտուած արեւմտահայութեան փրկութեան հարցում միայն եւրոպական պետութիւնների զինուած միջամտութիւնը կարող էր յանգեցնել շօշափելի արդիւնքների, ինչը չի վրիպել մեր կողմից քննարկուող հեղինակներից ոմանց ուշադրութիւնից: Արեւմտահայութեան փրկութեան միջոցն Ի. Տերնոնը համարում է «տէրութիւնների համատեղ միջամտութիւնը»⁹⁶ կայսրութեան ներքին գործերին, որը սակայն նրանց ղեկավարները կտրականապէս մերժել են: Նման գործելամիջոցի՝ հայ ժողովրդի փրկութեան համար արդիւնաւէտ հետեւանքներն ի ցոյց դնելու մղումից դրուած՝ Ժ.-Մ. Կարզուն վկայակոչում է 1895 թ. Ջէյթունի ապստամբութեան օրինակը, երբ եւրոպական պետութիւնների միջամտութեան հետեւանքով ապստամբների հետ կայացուել է հաշտութիւն, ինչպէս նաեւ Իզմիրում արձանագրուած մէկ այլ մասնաւոր փաստ, երբ Ֆրանսիական զինուած միջամտութեան շնորհիւ մահուան ճիրաններից փրկուել են թուրքերի կողմից պաշարուած վանքի վանականները⁹⁷: Միաժամանակ նա փաստում է, որ

94 Նոյն տեղում, էջ 88:
 95 Նոյն տեղում, էջ 84:
 96 Y. Ternon, Les Arméniens. Histoire d'un génocide, p. 129.
 97 J.-M. Carzou, Գ2. աշխ., էջ 88-89:

91 Նոյն տեղում, էջ 79:
 92 Նոյն տեղում:
 93 J.-M. Carzou, Գ2. աշխ., էջ 83-88:

տէրութիւնները, ըստ էութեան, մոռացութեան էին մատնում բարենորոգումների ծրագրերը եւ թոյլատրում հայկական կոտորածների իրականացումը⁹⁸: Ֆրանսիացի պատմաբանների նման մեկնաբանութիւնները, անտարակոյս, առարկութիւններ չեն կարող յարուցել:

Բազմիցս անդրադառնալով 1894-1896 թթ. եւրոպական պետութիւնների քաղաքականութեանը՝ Ժ.-Պ. Ալեմն ուշադրութիւնը կենտրոնացնում է գլխաւորապէս նրանց գործողութիւնների միջեւ առկայ անհամաձայնութիւնների վրայ: Սակայն, ի տարբերութիւն նախորդ հեղինակների, զլանում է մեկնաբանել նրանց անարդիւնաւէտ միջամտութիւնների հիմնական պատճառը, որը յանգում էր Օսմանեան կայսրութեան տարածքային ամբողջականութեան պահպանութեանը: Արդուլ Համիդի՝ դեռեւս 1895 թ. տէրութիւնների բողոքների առնչութեամբ գրաւած խուսափողական մարտավարութիւնը նա փորձում է մեկնաբանել սոսկ ինքնակալական Ռուսաստանի, ըստ էութեան, թրքամէտ դիրքորոշմամբ, որը սուլթանին միայն քաջալերում էր⁹⁹: Միաժամանակ, Բանկ Օստոմանի գրաւմանը յաջորդած կոտորածների առնչութեամբ նա յանգում է անիրատեսական եւ մեր կողմից անընդունելի հետեւութեան, ըստ որի՝ «Կոստանդնուպոլսի կոտորածը» տէրութիւններին իր ցոյց դրեց Օսմանեան կայսրութեանը սատարելու ժամանակավրէպութիւնը, որից յետոյ նրանք կռահեցին, որ Հարկ է նախատեսել դրա տարածքային մասնատումը¹⁰⁰: Իրադարձութիւնների ընթացքը, սակայն, ցոյց տուեց, որ նման խնդիրը քննարկումների տեղիք տուեց միայն Առա-

ջին համաշխարհային պատերազմի տարիներին¹⁰¹:

Ի տարբերութիւն նշուած պատմաբանների, եւրոպական տէրութիւնների քաղաքականութիւնը թուցիկ, սակայն անկողմնակալ դիրքերից մեկնաբանել են նաեւ այլ հեղինակներ: Ա. Պէլլերեանը, հպանցիկ անդրադառնալով այս հիմնախնդրին, վերհանում է դրա կարեւորագոյն կողմերից երկուսը՝ տնտեսական եւ քաղաքական շահերի անհամատեղելիութեամբ պայմանաւորուած, նրանց մասնատող թշնամանքը, ինչը Հայկական Հարցին «լուծում» տալու խնդրում ոգեւորում էր նրանց չէզոքութեան Հարցում հաւատարեցած Արդուլ Համիդին¹⁰²:

Ընդամէնը «բանաւոր սպանալիքների» շրջանակներում սահմանափակուող մեծ տէրութիւնների միջամտութիւնների մասին թուցիկ յիշատակում են նաեւ Ա. Կրիկորեանը, Ա. Տէր-Մինասեանը եւ Ժ.-Վ. Կիւրեղեանը¹⁰³:

Հարկ է նշել, որ քննարկուող ժամանակաշրջանում Ֆրանսիացի հեղինակները, ցաւօք, անհրաժեշտ ուշադրութիւն չեն դարձնում ժողովրդավարական Ֆրանսիայի ներկայացուցիչների լայնածաւլ հայանպաստ գործունէութեանը: Իրականում համիդեան կոտորածների ժամանակակիցներից՝ Հայ ժողովրդի նուիրեալներ Ա. Չօպանեանն ու Ա. Ահարոնեանը իրաւամբ արձանագրել են Հայկական Հարցում Ֆրանսիական կառավարութեան պաշտօնական քաղաքականութեան եւ Ֆրան-

101 Մանրամասն տե՛ս Ա. Մ. Фомин, *Война с про-должением. Великобритания и Франция в борьбе за «Османское наследство». 1918-1923.* М., 2010, с. 42-53:

102 A. Beylerian, *L'impérialisme et le mouvement national arménien (1885-1890)*, p. 51.

103 A. Krikorian, *Ար. աշխ., էջ 14. A. Ter-Minassian, L'Arménie et l'éveil des nationalités (1880-1914) // Histoire du peuple arménien*, p. 503; J. V. Gurégghian, *Ար. աշխ., էջ 179:*

սիացի մտաւորականների գրաւած դիրքի ներհակութեան փաստը¹⁰⁴: Ուստի այս էական հանգամանքը մոռացութեան մատնելն անհարկի է:

Անշուշտ, Ֆրանսահայ պատմաբան է. Քայաջեանը մասնակիորէն անդրադարձել է սոյն թեմային առնչուող որոշ Հարցերի, սակայն խիստ սահմանափակ՝ Ֆրանսիացի գործիչների հետ Արշակ Չօպանեանի ունեցած առնչութիւնների բացայայտման կտրուածքով¹⁰⁵: 1894-1908 թթ. արեւմտահայրենեանը սատարած զանազան Ֆրանսիացի գործիչների հայանպաստ գործունէութեան հիմնական դրուագներն ամփոփող՝ տեղեկատուական բնոյթի գիրք է հրատարակել Մ. Խարազեանը¹⁰⁶, որը շեշտը դրել է գլխաւորապէս Ֆրանսիական մամուլում տպագրուած յօդուածների եւ որոշ քաղաքական գործիչների ելոյթների բովանդակութեան վերաշարադրման վրայ: Նրա շարադրանքում, սակայն, բացակայում են վերլուծական մօտեցումը եւ հեղինակային խօսքը, քանի որ նա, փաստօրէն, բաւարարում է իր իսկ յիշատակած սակաւթիւ գործիչների յօդուածներից կամ Ֆրանսիական խորհրդարանում նրանցից ոմանց ունեցած ելոյթներից բերուած ընդարձակ քաղուածքների հրապարակմամբ: Իմաստ ունի յիշատակել նաեւ Վ. Դիւլիւրին, որն անդրադարձել է սոսկ Ժ. Ժորեսի եւ Դ. Կոչենի խորհրդարանային ելոյթներին՝ այդուհանդերձ, դրանք չքննարկելով նրանց ժամանակակիցների քաղաքական գործունէութեան ընդհանուր հենքի

վրայ¹⁰⁷: Եւրոպացի, այդ թւում՝ Ֆրանսիացի գործիչների հայանպաստ գործունէութեան մասին հպանցիկ յիշատակում են նաեւ Ժ.-Պ. Ալեմը եւ Ի. Տերնոնը ընդհանուր բնոյթի գրքերում¹⁰⁸:

Թէեւ մենք սահմանափակուեցինք Ֆրանսիացի պատմաբանների քննարկած կարեւորագոյն հիմնահարցերի վերլուծութեամբ, այդուհանդերձ, ուրուագծուած ետնախորքի վրայ ակնյայտ է այն մեծ աւանդը, որը նրանք ներդրել են անկողմնակալ դիրքերից համիդեան կոտորածների գիտական ուսումնասիրութեան ասպարէզում: Նրանց մեկնաբանութիւնների գերակշռող մասը մեր կողմից սկզբունքային առարկութիւնների տեղիք չի տալիս, քանզի նրանք հիմնաւորապէս բացայայտում են Հայ ժողովրդի բնաջնջումը պետական քաղաքականութեան մակարդակով եւ կանխամտածուածութեան հիման վրայ: Դա մեզ մէկ անգամ եւս հիմք է տալիս հաւաստելու, որ 1890-ական թուականների համիդեան կոտորածներն իրաւասու ենք համարել Հայոց ցեղասպանութեան գործընթացի սկիզբը: Հարկ ենք համարում փաստել էական մի հանգամանք եւս. Ֆրանսիացի պատմաբանների ուսումնասիրութիւններն արժանի հակահարուած են տալիս Հայոց ցեղասպանութեան պատմութիւնը նենգափոխող կեղծարարներին, ինչն աւելի է կարեւորում նրանց անշահախնդիր աշխատանքի արժէքը: Ուստի մենք իրաւասու չենք անուշադրութեան մատնելու նրանց իրականացրած նշանակալից աշխատանքի կարեւորութիւնը:

104 Ա. Չօպանեան, *Դարավերջի Ֆրանսիա*. - «Ար. աշխ.», Ա տարի, 1899, թիւ 5-6, էջ 155; *A la mémoire de Pierre Quillard*, Paris, 1912, p. 21-22.

105 E. Khayadjian, *Archag Tchobanian et le mouvement arménophile en France*, Marseille, 1986; 2^{ème} éd., Alfortville, 2001.

106 M. Kharazian, *De l'illusion à la tragédie. La France et la Question arménienne de 1894 à 1908 (des massacres hamidiens jusqu'à la révolution jeune-turque)*, Paris, 2007.

107 V. Duclert, *Ար. աշխ., էջ 31-55: Stéphanie V. Duclert et G. Pécout. La mobilisation intellectuelle face aux massacres d'Arménie (1894-1900) // Les exclus en Europe, 1830-1930. Sous la direction d'A. Guslin et D. Kalifa*, Paris, 1999, p. 323-344:

108 J.-P. Alem, *Ար. աշխ., էջ 40-41: Y. Ternon. Les Arméniens. Histoire d'un génocide*, p. 142-145.

98 Նոյն տեղում, էջ 86:

99 J.-P. Alem, *Ար. աշխ., էջ 38:*

100 Նոյն տեղում, էջ 40: